

23
DE
DVOBVS FRATRIBVS
IN EADEM LITE
PARTIVM ADVERSARVM
PATROCINIVM SVSCIPIENTIBVS

P R A E S I D E

CHRISTOPH· LVDOV· CRELLIO ICTO
POTENTISSIMI REGIS POL· ET PR· ELECT· SAXON
CONSILIARIO AVLICO DIGEST· INF·
ET NOVI P· P· ORDINARIO
CVRIAE PROVINCIALIS ET SCABINATVS
ITEMQVE ORDINIS IVRIDICI
ASSESSORE

I N A V D I T O R I O I C T O R V M

DIE MAIL. A· Q· S· P· EST, clō lccc XXXIII

DISPVTABIT

A V C T O R

FRIDERICVS AVGVSTVS KIESLING
ZITTAVIENSIS

V I T E M B E R G A E
EX OFFICINA SCHEFFLERIANA.





I

FRATERNITAS ET AMICITIAE
MAGIS CARITATE QUAM SANGVINE
IUNGUNTUR.

FRATRUM NOMEN ETIAM CUM REMOTIOREBUS
GRADIBUS
ITEMQUE CUM SOCIIS ET AMICIS COMMUNICATUR.
INTER FRATRES EST PRAESUMPTIO ET SUSPICIO
GRATIAE.
FRATRES INTERDUM HABENTUR PRO VNA PERSONA



DIVINO quodam consilio et sapientissima pro-
videntia constitutum est, ut SOCIETATES ET
AMICITIAE ET FRATERNÆ CONSORTIA
MAGIS CARITATE MUTUA, QUAM SANGVI-
NIS PROPINQUITATE, CONIUNGANTUR.

Quoniam enim, quæ NATURA conglutinavit, plerumque
TENACIVS cohaerent, quam quæ HOMINUM CONSILIIS

et ARTE quadam inter sese connectuntur; tamen in IVNGENDIS colendisque AMICIS, ut diximus, ipsa fere NATURA inuitante, non tam sanguinem, quam ingeniorum atque morum conspirationem et mutuam beneuolentiam et studium bene de aliis merendi, cogitamus, adeoque occulto quodam sensu ad bonorum societatem et consensionem adducimur

Quare solet euenire, ut INTRA VNAM DOMVM et eosdem lares non facile svesistant AMICITIAE, sed LATIUS SPARGANTUR atque ad plures perueniant, adeoque diuersae gentes et cognationes beneuolentia et mutuo amore coalescant, amicorum societas, res in hominum conditione pulcherrima et iucundissima, non tam CASU FORTVITO et SORTE NASCENDI, quam destinatione et CONSILIO, constituatur.

Inter ipsos quidem PRATRES, quos NATURA et SANGVINIS communi proxime coniungit, non magis fere COMMVNIS SANGVINIS origo, quam, quas ipsi etiam SANGVINI non nihil debet, similitudo morum, COMMVNES FORTVNAE, et VITAE ab ineunte aetate CONSVETVDO societatem quandam pariunt, animosque incendant, ut arctius teneriusque FRATER FRATREM complectamur, atque PRATERNVM illud CONSORTIVM, quod IVSTINIANVS L. II. C. *Commun. de success.* appellat, sanctissime retineamus.

Quapropter, etiam sine illo SANGVINIS uinculo, et sine ORIGINIS communione, non solum AEQVE FACILE, sed etiam MELIUS, quam inter PRATRES, aliquando SOCIETATES et CONSORTIA coluntur. Optime M. FABIVS QVINTILIANVS a) inter illos, ait, qui A PRIMIS AETATIBVS in eandem uitam COIVERVNT, esse AFFECTIONEM aliquam et speciem PRATERNITATIS. Imo uero, secundum VLP-
ANVM

a) Quintil. Declamat. XVI, p. m. 717.

ANVM, etiam inter SOCIOS BONORVM, propter vitae consuetudinem et fortunarum coniunctionem, ipsa SOCIETAS habet ius quodammodo FRATERNITATIS. l. 63. pr. D. *Præ Socio*. Sed elegantissime PAVLLVS noster, FRATERNITATEM CARITATE constitui, observat, ut, qui FRATERNITATEM DILIGITVR, FRATER esse videatur. l. 58. §. 1. D. de *Heredib. Instit.* Certe SVR APPELLATIONE FRATRIS heres potest institui, qui non est frater d. l. 58. §. 1. cum ceteroquin, qui NON COGNATVM, COGNATI NOMINE, heredem instituit, interdum NIHIL EGISSSE et errasse censetur. l. 4. C. de *Hered. Instit.*

Denique, ut intelligatur plus in FRATERNIS AMORIBVS tribui amicitiae quam SANGVINI, audiamus GORDIANVM qui, l. 4. C. de *Castrensi pecul.* hereditatem, quae FRATRI ex testamento FRATRIS, eiusdemque COMMILITONIS in iisdem castris cum herede suo degentis, obuenerit, ad PECVLIVM CASTRENSE pertinere iudicat, quasi non propter SANGVINEM, sed propter VITAE ET MILITIAE CONSORTIVM, hereditas relicta videatur. Credendum enim est, inquit, peregrinationis societatem, laborem COMMILITII coniunctum, obeundorum munerum CONSORTIVM, AFFECTIONI FRATERNAE NON NIHIL ADDIDISSE, illosque sibi, uice mutua, omnino CARIORES reddidisse. d. l. 4. C. de *Pec. Castrens.* Quae cum ita sint, FRATRIS appellatio inter SOCIOS ET AMICOS maxime frequentata est: et, secundum QVINCTILIANVM a) qui efficacissime BLANDIRI uolunt, amicis FRATRVM nomine subinde blandiuntur

Et meretur observari, in ipsis etiam COGNATIONIBVS, amoris significandi causa, FRATRVM APPELLATIONEM latius, et VLTRO SECVNDVM GRADVM, serpere, pluresque, qui FRATRES non sunt, eodem nomine quandoque com-

a) Quinctil. de gram. 3

prehendi. Eo sensu duorum FRATRV FILIOS M. TVLLIVS CICERO a) FRATRES appellavit; quod et PAVLVS observavit, l. lo. §. 15. D. de *Gradibus*, ex cuius disciplina et FRATRES AMITINI et CONSOBRINI, quamvis ulteriore gradu sint, FRATRES frequentissime dicuntur. Imo idem M. TVLLIVS alio loco, de SORORIS MARITO aliquando FRATRIS nomine usus est. b)

Certe in ipso SECUNDO GRADU SCAEVOLA, et PAVLVS l. 93. §. 3. D. de *leg. 3.* l. 38. D. *Famil. hercisc.* et C. CORNELIVS TACITVS c) subinde FRATRV appellatione etiam SORORES comprehendunt

Sed haec utcumque existimata fuerint, illud certe expeditum est, si ad naturam et arcanam illam vim sanguinis etiam morum animorumque coniunctio accedat, tunc demum sanctissimum illud vinculum contrahi, quod FRATRV CONCORDIAM solemus appellare: Quae res efficit, ut IN VNAM PERSONAM coalescere et EODEM SPIRITU REGI videantur

Hoc sensit miles ille Pompeianus, apud C. TACITVM, d) qui FRATREM suum, cum apud Ianiculum aduersus Cinnam pugnaretur, ferro imprudens occiderat, mox, cognito facinore, seipsum interfecit, cum fratre interempto ipsam lucis huius usuram sibi molestam iudicaret. Hoc etiam Iuturnae in mentem venit, fratre Turno interempto. Ita enim illa, apud VIRGILIUM MARONEM, e)

- - Haec

a) Cic. Epist. ad Famil. IV. 4

b) Cic. 'pro domo sua,' c. 15

c) Tacit. Annal. L. XII. c. 4

d) Tacit. Histor. L. III. c. 51

e) Virg. Aen. XII. v. 884

- - Haud quidquam mihi dulce meorum,
Tefine, FRATER, erit.

Quae cum ipsa natura doceat, non opus est, ut confugiamus ad P. NIGIDIVM, quod secundum A. GELLIVM a) subtilissimo *εἰρώμῃ*, FRATREM quasi PERE ALTERVM, id est, fratri proximum, fratris simillimum, qui fere in unam cum fratre personam coaluerit, a veteribus dictum esse, iudicavit. Ita etiam M. TVLLIVS, si FRATREM in provincia relinqueret, iudicatum iri existimavit, quod SE ALTERVM in provincia reliquisset. b)

Sed hoc quidem disputatione non indiget, CIVILI ratione, FRATRES, qui SVB SVSDEM PATRIS POTESTATE CONSTITVTI SINT, pro una persona quandoque accipi, si negotium de re, ad PARENTIS communis commoda pertinet, contractum esse videatur

Luculentum enim est Iustiniani praeceptum, qui §. 10. I. de *Testam. Ordin.* FRATRES non posse testes esse in testamento, ait, quo frater illorum, qui cum testibus sub eiusdem patris potestate est, heres instituitur a testatore; cum totum illud negotium heredis institutionis inter heredem et testatorem agi censeatur: Et, quoniam res illa ad PARENTEM heredis, maxime ususfructus causa, pertineat, duos fratres, qui cum patre, ideoque etiam INTER SE, quodammodo VNA PERSONA SINT, in negotio, quod ad FRATREM et PATREM pertineat, testes esse non posse: cum de SVO QVASI COMMODO testimonium praestare videantur

In his igitur negotiis FRATRES PRO VNA PERSONA merito habentur

II

a) A. Gellius Noct. Attic. L. XIII. c. 10

b) Cic. Epist. ad Famil. L. II. ep. 15

II

IN NEGOTIIS CASTRENSIBVS
 ET ILLIS, QVAE EXTRA FAMILIAM GERVNTVR
 DVO FRATRES PRO EXTRANEIS HABENTVR.
 FRATRES IN MILITIA SAEPE EX ADVERSIS
 PARTIBVS STETERVNT
 ATQVE IN PRAELIIS ALTER ALTERVM
 TRVCIDAVERVNT.

Ex his, quae adhuc comprobauimus, apparet, magnam esse uim AFFECTIONIS FRATERNAE, et nihil credi facilius, quam FRATRES regi COMMVNIBVS CONSILIIS, et MUTVA CONSENSIONE inter se coniungi

Sed haud paullo secius iudicandum est, cum de FRATRV NEGOTIIS CASTRENSIBVS et QVASI CASTRENSIBVS tractamus. Enimuero MILES, quamuis filius familias, quantum ad MILITIAM attinet, quasi ALIVS HOMO esse iudicatur, ideoque, si MILES duos heredes instituit, alterum rerum CASTRENSIVM, alterum rerum PAGANARVM, uidetur DVORVM HOMINVM DVAS HEREDITATES reliquisse: Ita enim IULIANVS atque GAIVS tradunt l. 17. §. 1. D. de *Testament. militis*

Quapropter dubitari non potest, cessare in illis negotiis COGNATIONIS RATIONEM, adeoque fratres in causis militari- bus neque pro VNA PERSONA, neque omnino pro PERSONIS CONIUNCTIS, accipi, sed fere pro extraneis haberi

Hoc etiam adduxit MARCELLVM atque VLPIANVM, ut in testamento MILITARI, in quo de CASTRENSE PECV- LIO disponitur, FRATREM etiam, quasi EXTRANEVM, testem esse

esse posse iudicauerint; l. 20. §. 2. D. *qui testam. fac. poss.* quamvis IUSTINIANVS aliter sensisse uideatur si miles post missionem testamentum faciat. §. 9. l. *de testam. ordin.*

Imo uero generaliter, secundum VLPIANVM l. 22. D. *qui testam. fac.* in testamento extranei, duo fratres, qui IN EIVSDEM PATRIS POTESTATE sunt, modo nec cum herede, nec cum testatore, ratione potestatis coniuncti sint, simul recte testimonium testamentarium praestare possunt

Neque uero apud Romanos defuerunt fratres, qui IN MILITIA ADVERSAS aliquando PARTES secuti sunt, atque, pro sua quisque parte pugnantes, FRATREM EX ADVERSA PARTE TRUCIDAVNT. Nimirum, si VIRGILIVM MAKKONEM a) audiamus, Alesto illa, furiarum maxima, potest

VNANIMES ARMARE IN FRABLIA FRATRES,
et MILITES quandoque b)

gaudent, PERFVSI SANGVINE FRATRVN.

Certe apud C. CORNELIVM TACITVM c) EQVES GREGARIVS FRATREM stantem ex ADVERSA PARTE non solum occidit, sed illud etiam apud duces professus est, et, quasi re bene gesta, etiam praemium poposcit Quod ne quis infrequens et singulare esse existimet, idem TACITVS d) INBELLIS CIVILIBVS illud usu uenisse, ait, UT FRATRES AFFINES ET PROPINQVI, a fratribus, affinibus, propinquis, ADVERSA praeliis trucidarentur. Haec sunt SOLITA FRATRVN ODIA, quae in negotiis publicis, cupidine uictoriae et invidia subinde ac-

B

cen-

a) Virgil. Aen. VII v. 336

b) Virg. Georg. II. v. 511

c) Tacit. Hist. III. 51

d) Tacit. III. Histor. c. 25

cenduntur : quod alio loco TACITVS obseruat. a) Denique ne quid defit ad rei fidem, ipse etiam CAESAR b) memoriae prodidit, bello ciuili aliquando milites, cum colloquendi facultatem nacti essent, suos necessarios et propinquos in EXERCITV ADVERSO requisuisse, et inuitandi causa in castra sua adduxisse

Quae cum ita sint, disputatione vix indiget, in castrensi causa fratres non solum non CONIUNCTOS videri, sed etiam EX ADVERSIS PARTIBVS SVBINDE STARE POSSSE

III

MVNVS ADVOCATORVM
EST QVASI MILITIA
IGITVR ETIAM IN ILLA
DVO FRATRES

ADVERSIS PARTIBVS PATROCINARI POSSVNT,
MULTVM IVDICIS ARBITRIO PERMITTITVR
IN ADMITTENDIS ADVOCATIS

SATIS, credo, comprobauimus, in dubio, magnam videri FRATRVM inter se gratiam et consensionem esse, sed in CASTRENSIBVS negotiis tantisper negligi et dissimulari ius CONIUGATIONIS. Igitur de ADVOCATIS quidem et PROCVRATORIBVS dispiciamus, utrum FRATRIBVS DVORVS, in eadem lite, PARTIBVS ADVERSIS ita PATROCINARI et adesse liceat, ut ab altero illorum ACTOR, ab altero REVS, defendatur

Nimirum non locus est dubitationi, quin ADVOCATI PARTIVM ADVERSARVM in iudicio MILITVM IVRIBVS VTANTVR, qui gloriosae uocis munimine, laborantium spem ui-

a) Tacit. Annal. L. IV. c. 60

b) Caesar, de Bello Ciuil. L. I. c. 74

uitam et posteros defendant. Hoc enim IMPERATORES l. 7. §. 8. et 14. C. de *Aduocat. diuersi. iudicior.* praeceperunt. Sed in his quidem causis, quod supra observatum est, FRATRES, etiam unius parentis potestati adhuc subiecti, non solum non pro una persona, sed ne quidem pro coniunctis haberi solent, adeoque etiam ex PARTIBVS ADVERSIS possunt inter se pugnare, et de victoria contendere

Itaque dicemus, nisi aliud quid obiciatur, PERMITTI FRATRIBVS DVOBVS ADVOCATIS, IN EADEM LITE PARTIVM ADVERSARVM PATROCINIVM SVSCIPERE ET INTER SE PVGNARE. Quis enim dubitaret, cum in praeliis aduersis duo FRATRES armis inter se contendere et CRVENTAM victoriam SANGVINE adipisci possint, iisdem etiam concedi, ut FORENSEM illam LAVREAM praelio legitimo, a quo ADVOCATVS ADVERSAE PARTIS IN CAPITIS PERICVLVM NON ADDVCITVR, et quaerant, et partem tucantur

Verum enim vero non parum quidem fratribus ARMA ADVERSA tractantibus ob stare videbitur, ODIVM CALVMNIAE, GRATIAE, PRAEVARICATIONIS, quod Praetorem subinde adducit, ut ADVOCATIS interdicat postulatione, l. 1. §. 6. D. de *Postuland.* quamvis illos aduersarius admittat. l. 7. D. *ead.* Sed PRAEVARICATOR censetur, secundum LABEONEM, qui ex VTRAQUE PARTE, eaque ADVERSA, CONSISTIT in iudicio, et partem aduersam adiuvat, praedita causa sua. l. 4. §. 4. D. de *illis qui not. inf.* Quamvis enim proprie ADVOCATVS non possit PRAEVARICATOR appellari, si VLPIANVM audiamus, l. 1. §. 1. D. de *Praeuar.* tamen ADVOCATI si ex utraque parte constiterint, secundum MACRVM et eundem VLPIANVM, EXTRA ORDINEM subinde puniuntur. d. l. 1. §. 1. et l. 3. §. 2. D. *Praeuaric.*

Iam vero disputatione uix indiget, metum et suspicio-

B 2 nem

DEM PRAEVARICATIONIS fere suboriri posse, si duo FRATRES EX PARTIBVS ADVERSIIS constiterint in illo praelio forensi. Si enim una PERSONA habeantur, quod interdum fieri debere, supra §pho I. comprobatum est, uidebitur VTERQVE DVORVM FRATRVM ex utraque parte aduersa consistere, et partem aduersam adiuuare. Certe M. TVLLIVS, cum FRATREM in prouincia relinquere cogitaret, metuebat, ne iniqui iudices dicerent, ipsum NON PLANE post annum, ut senatus uoluisset, de prouincia decessisse: quoniam ALTERVM SE, id est FRATREM, qui cum ipso UNA PERSONA sit, in illa reliquisset. a) Si ueritatem GRATIAM ILLAM, quae inter fratres intercedit, cogites, erit locus suspicandi, ne frater benignius tractet ADVOCATVM ADVERSAE PARTIS, et, quo illius negligentia, turpitudine, inscitia, tegatur, de iure clientis sui aliquid remittat, IN GRATIAM ADVERSI ADVOCATI.

Observandum est enim, ADVOCATIONEM, a quibusdam, maxime ab ARCADIO CHARISIO, cum TESTIMONIIS conferri. l. 25. D. de *Testib.* Sed TESTES quidem, quod CALLISTRATVS obseruat, ob SUSPICIONEM GRATIAE, uel propter REVERENTIAM PERSONARVM, non admittendi sunt, ad testimonium dicendum l. 3. pr. et §. 5. D. de *Testibus.* quod etiam DIOCLETIANVS et MAXIMIANVS probauerunt. l. 5. C. de *Testibus.* Quapropter, cum ADVOCATIONE TESTIMONIIS habeat aliquid COMMUNE, uideri posset, NON ADMITTENDVM FRATREM IN PARTE ADVERSA consistentem

Neque tamen permoueor, ut a sententia discedam, aut dubitem, quo minus frater aduersus alium, cui FRATER eius praestat aduocationem, admitti possit. Supra enim §pho II. copiose ostendimus, in negotiis MILITARI-

BVS,

a) Cic. Epist. ad Fam. L. II. ep. 15

VS ET QUASI CASTRENSIBVS, ideoque inprimis in ADVOCATIONIBVS, FRATRES PRO VNA PERSONA NON HABENDOS esse. Igitur fratres non poterunt PRAEVARICATORES appellari, quasi ex VTRAQUE PARTE SIMVL CONSISTANT, qui partibus ADVERGIS in eodem iudicio praestent ADVOCATIONEM. Quae enim a M. TVLLIO, cum de QVINCTO FRATRE in provincia relinquendo deliberaret, dicta sunt a) ut supra observatum est, magis ad iocum pertinent, quam ad veram PERSONAE VNITATEM comprobendam.

Deinde, quod de GRATIA fratrum obicitur, facile dilui potest, si cogitemus, etiam DDIA FRATRVM, maxime in negotiis militaribus, NON INSVETA esset: quod supra ex TACITO notatum est. b) Ipsa enim AEMVLATIO, quae alit ingenia, plerumque in illis negotiis, ex quibus GLORIA petitur, animos accendit, ut gratiae, coniunctionis, amicitiae, obliuiscantur.

Neque uero, in tantum TESTIMONIA, et ADVOCATIONES comparantur, ut, quorum testimonia suspecta sint, iidem ab aduocatione confestim repellantur. Per testes enim FACTI QAESTIONEM maxime excutimus, ut fides rei gestae comprobetur. In his igitur nemini credi potest, ut HADRIANVS docet, nisi qui a suspitione gratiae remota esse uideatur. l. 3. §. 1. D. et l. 3. C. de Testibus.

Contra ADVOCATI maxime FACTVM NARRANT ET RATIONEM IURI IUDICI exponunt, quod ipse etiam citra admonitionem aduocati nosse debet: in qua causa non tam facile res per gratiam aut ADVOCATORVM amicitias corrumpi potest. Quare non dubito, efficaciter duos fratres partibus aduersis patrociniū praestare posse.

B 3

Illud

a) Cic. II. Epist. ad Fam. 15

b) Tacit. III. Annal. c. 60

docet, LEGE IVLIA constitutum esse, ne quis aduersus CONSOBRIIVM, AVT QVI PROPIORE GRADV SIT, testimonium dicere cogatur. l. 4. D. de *Testibus*

Quid igitur dicemus? Cum in testimoniis, quorum usus ad VERITATEM indagandam maxime NECESSARIUS uideatur, fratrem non cogamus, an cogendus esse censetur in causa minus NECESSARIA, ut FRATRI inuidiam molestianqua faciat sua aduocatione. Mibi quidem uideretur tanto minus cogendus esse, quanto magis ignoscendum FVDORI ADVOCATI, qui uel fratris sui uictoriae et gloriae obstare, quod inter ADVOCATOS fere necessarium est, uel apud alios in suspicionem incurrere noluerit, quasi FRATRIS SVI gratiae aliquid dedisset. Certe de PROCURATORIBVS ita GAIVS, PAVLLVS atque VLPIANVS tradiderunt, ut cogi nequeant, qui inimicitiarum, aut etiam ADFINITATIS et COGNATIONIS, aut alia probabili excusatione, uti possint l. 21. 22. 23. D. de *Procurat.* Sed haec talia cum etiam ADVOCATIS molesta esse possint, sine dubio ab ADVOCATIONE excusabunt.

Sed sis, non INTERESSE FRATRIS ADVOCATI, utrum a FRATRE ADVERSAE PARTIS ADVOCATO in illo praelio uincatur. Imo uero INTEREST FRATRIS, ne uincatur, non solum propter poenam, quae ADVOCATO immititur, si ipsum SEGNETIA et INSCITIA litem perdidisse a FRATRE ostendatur, sed etiam propter uictoriae GLORIAM, quam multi, inprimis illi MILITES, plerumque bonis omnibus et uita fere ipsa chariorem arbitrantur. Et hoc satis causae est, cur nolit frater fratri sua aduocatione molestus esse

Sed, ut dicere occupauimus, res iudicis arbitrio permitti debet. Aliquando enim uel duo tantum ADVOCATI in eodem loco sunt, CVM DVO SVFFICERE dicantur, l. 19. C. de *Aduoc. diuers. iudic.* uel certe duo soli interdum FAMA SVNT

HILA-

HILARIO, quod GRATIANVS ait. 1. 7. C. de *Postulando*. Finge igitur praeter DVOS FRATRES neminem in loco quodam esse aduocatvm, qui FAMA HILARIO commendetur. Finge porro alterum electum esse ab aduersario: alteri vero FRATREM ALTERVM patrociniũ negare: denique finge, alterum clientem non inuenire ADVOCATVM, cuius auctoritas et fama ipsi prodesse possit. Et ait GRATIANVS, officio iudicis contineri, ut AEQUALIS FIAT CAUSIDICORVM DISTRIBUTIO, et PAR VTRIQUE AUXILIUM PRAESTETVR; Itaque coget FRATREM ex aduersa stare parte. d. l. 7. C. de *Postulando*.



171471745